

西事江略

一
八
冊
函

序例

南中初定厥有西事粵自視師亦迄解職曾不逾年定難安人治軍出治籌邊備亂十數大事皆萃是時今郡縣已成令甲庀史方來徵訪乃搜卷牘集成一編備攷紀焉西行以來會當搶攘一日之間事或萬族一事之起或亘數時料簡之初頗費排比更恐覽者難尋端委故以事立類以類繫事一類之中事體繁多者又爲序別仍立小題分別部居易得綱領

文電批牘悉以類別亦有一文之中臚列數事不復可分與凡例外別出第從其近者略相埒屬

西行之役事緒紛屯案牘填委不可備載今茲所存但最大要餘非因革所係及一切視已成事者概已略諸若師行之次手批指授不及具草尙闕采錄師中之事凡關大計盡出密陳事在樞機不能編覩非絀漏也

民國元年秋七月編者識

卷之四
目錄

西事彙略目次

迤西陸防各軍總司令部編輯

卷一 西事之平

卷二 永昌之變

卷三 永康之亂

卷四 榆軍退伍

卷五 軍政

陸軍 國民軍 餉械 獎卹

卷六 政務上

建置 政費 吏治 警察 交通 興革 刑法

卷七 政務下

教育 實業 財政 鹽政 外交 祠祀

卷八 邊備

防務 備藏

卷九 殖邊

土司 懲獄

卷十 雜錄

卷十一 解職

西事彙略卷一

迤西陸防各軍總司令部編輯

西事之平

騰越永昌順甯分送張文光君彭冀君李治君李學詩君方涵君和朝選君李干櫓君黃鑑鋒君錢泰豐君林綺樓君張鑑安君均鑒前致三電未承賜覆不勝懸念根源自省光復謬總軍政積勞嘔血方期休養旬日遄赴武昌會議中央政府之事乃以陳雲龍假義軍名譽作草寇行爲昨日竟于毛草哨轟擊榆軍事已決裂生靈行將塗炭扶牀聞耗吾心滋痛同人以根源在西邊爲桑梓之鄉與諸君有一日之雅大義相責敦促上道回憶向日諸君不以根源爲鄙時相鼓吹革命及身而告成功其榮幸何如第反正以前不得不借種族問題以鼓吹同胞之氣反正以後但期改革政治保持地方安甯增進人民幸福組成共和國家卽達我輩目的若存帝王思想致使地方塗炭則天下共誅之而況行同草寇者乎諸君夙具血忱與我同心源所素知惟陳雲龍殊難深信諸君如能竭力開導令變思想與我軍同宗旨源當扶病西來共商善後方法如

其不然則源不忍同室操戈蹂躪生民仍當赴鄂西方之事自另有主之者源惟聽之而已源與諸君相見以心請諸君亦以坦懷相示俾定行止咯血致電切盼電覆爲禱
根源叩魚印

李印泉先生鑒廿日接獲魚電悉現陳雲龍已調回永各軍隊撤退惟望速至永騰合商治安不勝歡迎之至同志張文光叩馬印

沿途探送李印泉師長鈞鑒魚電號奉悉此次吾輩舉義騰城繼復永龍順各城所到之處皆文明舉動鷄犬不驚惟抱定革命方略順撫逆誅並無絲毫擾累忽因郭齡昌折滄江橋毀電線郵電不通致榆城消息隔絕始有陳奎生赴榆聯和之舉不知前途誤會發兵阻滯不容前進兼被人於中播弄黑白開此釁端茅草哨轟擊榆軍並無此事是榆軍先來平坡擊追我軍且我軍四十里橋尙未過况茅草哨乎而我輩之宗旨有無悖謬幸太公暨各屬代表張衛臣李昆田林綺樓張魯香不日卽親至榆城吾輩曲直自得攸分今值公駕臨是全慎之幸吾輩幸也何日可到永請先電示以便出郊

歡迎是所盼禱陳雲龍錢泰豐和朝選方涵林春華李治馬登雲彭莫張文運張鑑安
張定甲同叩箇

李印公鈞鑒魚電悉已由同人擬覆茲更再陳梗概聞公西來同志等眉飛色舞欣慶
萬端使滇西同胞轉禍爲福此同志等喜極欲涕而懼不可必得者至尊電詢及同人
宗旨令其坦懷以告庶便首途西顧否則當置諸不問西方之事自有主之者云云復
不禁四股戰慄莫可爲計革命軍祇一種天下無不同之宗旨詎榆騰特有異耶兩軍
之所以再相衝突及事實上稍有玷於名譽者因事冗人繁彼此均不無昧於大義之
人以致此耳至草寇行爲帝王思想度兩面當軸諸君不特無是事亦斷無是想陳君
之所以引兵東漸者意在援應獨立復我邦族非具有何種野心只是作事或有操之
太急之時卽爲人所不諒治等此番之來均是受騰父兄之舉張少三都督之託賁一
己之志不揣綿薄以冀冒險入榆大表同情解疑團而蘇閭閻化意見而慶大同治等
始動身時兩軍僅一戰相持以爲均出無心易於挽救何期途次金齒遽聞再戰之耗

卽驚心動魄氣衰力阻已知兩軍解釋非卑微所能爲力祇以所志如此仍爾遄征以終乃事無何途次杉陽遇陳君遵紹三都督命令拔隊歸來諮詢之餘復知此役於使命有完全之妨害無萬一之效力乃仍偕綺樓傑三二君返永思欲更圖奇道以得萬全勞心焦思正值莫可誰何之際忽省榆電通光明大放得先生西來之電如此則同人釋懷草木皆春端惟先生是賴騰之事卽先生之志卽少三與諸同志之志無纖毫歧異更無纖毫乖隔也中國同胞榆騰不僅同胞四海兄弟榆騰逾於兄弟是非不必太明曲直不必甚判忍在同胞讓在兄弟他人不能問我也仁人之言其利甚溥解紛排難羣仰望於先生造我邦家責無旁貸先生其重念之時間逼人百不得一愧懼慙悚不知所云李治張文運張鑑安叩

祝宗雲獄詞（寄至呂合行營接獲）

騰越革命之起也造端於張文光張君苦心經營三年於茲糾合陸軍第七十六標第三營右後兩隊防軍四五兩營於初三日誓師初六日舉事異常秘密是日初更陸軍

陳雲龍請於管帶張桐桐愕怪陳卽擊斃防軍當時亦斃其四營曹管帶兩軍混合率隊入城圍攻鎮署及軍械局鎮聞變服金自斃轉攻道廳兩署道廳越垣遁走騰遂恢復旋理善後當此事之未起也卽與軍人約法不許滋擾街市又復致書稅司令勿驚恐兼及教士教堂

因領事早赴密支那

稅司初不料文明如是曾避於弄璋街三日後以彼幕友

代請回騰照舊代我辦事甫三日彼探得省檢未有消息恐文明難以終始堅辭回緬只得派兵護送復索得彼據有緬政府不得干涉之約此交涉之崖略也民政於次日俱集自治公所開會得自治員贊可卽以理財裁判錢糧歸局辦理以議長寸開泰首其事參贊以各議員軍政除舊有之各營外添募四五營以劑其虛並辦有士林隊一營

用騰越高等小學和順兩等小學挑大董兩等小學綺羅兩等小學

入隊者皆學生及略識字之人警察以李昆田辦

理兼總十八練團務參謀有由仰光來者數人並有騰越一二人騰越於六七日規模草具卽將督銷彭留騰永府陳道廳護送回籍初十日卽得龍陵軍捷報攻斃龍管帶全軍反正旋調查永事永以防管帶將怒江船隻阻止我軍不得濟江留禾木樹者二

日後永接省光復電羅管長庚與教練官郭林昌積不相能衝突於電局毛令懼禍之及已即仰藥以斃教練官復以省電不可爲據令全城將已樹漢幟拔去羅長庚亦擁兵自固不可反正郭卽率隊回榆渡滄江以東將橋板扯去並砍電綫至黃蓮鋪至騰軍先鋒十六日抵永羅長庚閉城抗拒旋爲該軍及團兵槍斃時騰派指揮官陳雲龍大隊已到永事即定雖知省垣光復而榆以橋扯線斷之故反正與否未得其實陳雲龍卽率隊東下援榆以橋斷阻至橋修妥濟江已二十五矣抵杉陽得曲統領信始知榆已獨立有說陳返永者彼云到省投効隨卽擬電至黃蓮鋪拍省至則電局人已亡去後尋回電局人云二十八日始能拍去二十九日抵曲硐卽接省電謂省兵力尙厚勿庸東來時彼新得永平縣爲彼參謀大言炎炎深入其惱而始有欲入大理之意然其本心實無歹意惟不曉事之蔣樹本復討奮勇率曲硐無賴逕取蒙化時陳雲龍至漾濞而先鋒隊劉竹云已抵平坡榆舉代表周華國馬明遠到合江會合謂必欲入榆且可單騎以進後復援同志入榆妥議或仍請率兵退騰永或使彼單騎到榆限三日

解決豈知榆代表與同志方入榆之次日兩軍卽起小釁此騰永軍與榆軍之齟齬實自陳一人釀成之也

趙樾老李師長鑒據永昌府留省同鄉會代表劉德澤等稟稱祝宗雲素業教育行誼不苟此次因陳雲龍迫脅到榆今被監在獄實屬爲人所累懇准監察賞准開釋等情查祝宗雲既係迫脅情尙可原應准取保開釋希卽照辦都督府豔印

騰越張君文光張君鑑安張君映寶永昌彭君覓錢君太豐林君春華順甯李君學詩和君朝選方君涵張君定甲同鑒重承敦迫力疾首途本日行抵安甯一切事宜俟至榆後再爲電商尊處有電請寄楚局根源元印

大理趙樾師孫統帶鑒本日抵祿豐接方大隊長炳楚雄電稱文日抵楚卽電詢大理機關部覆謂戰正緊各屬紛紛告急祈兼程速發究係如何實情請速電示方大隊及陸砲隊已電令明日由楚兼程赴榆如事緊急玉峯兄可會商各營管帶酌留兩隊守榆餘全數開出分頭剿禦源所率軍隊爲步兩營砲兩隊機關槍一隊馬隊一排特聞

根源叩刪印

李師長鑒刪電已復匪南陷雲州竄蒙化北陷雲龍竄明喬兵單歉缺不敷撲禦懇速催炮隊趕來藩審叩銑印

大理趙樾師孫統帶鑒刻抵廣通前據楚電未悉確情急欲得實茲接尊處及省中來電稍釋鄙懷西事紛紜仍望鎮之以靜方大隊長已抵沙橋計日可以到榆機關槍隊砲隊本夜已各派一小隊兼程赴榆兩方近情如何祈時電知根源叩

行營局投師長李鑒廣通發電敬悉陳匪現投往黃連舖其都指揮事已交替與錢泰豐錢將匪兵屯紮永平頗有後退之勢惟雲龍及各鹽井又紛紛告急我軍在蒙四隊兵力已少不敷分佈立望機關槍及砲隊早來以便分頭往擊紹審叩篠印

行營局送李師長鑒力疾巡征保攝是祝匪竄喇喬欲據財源甘心於藩欲覆其家然丈夫許國何暇顧私恨無重兵赴援尅日掃除以靖地方深憤歉耳藩篠印

騰越張君文光張君鑑安永昌彭君莫李君治方君涵林君春華鑒篠接大理兩銑電

一係蒙紳告急稱順雲之衆將復合力攻蒙一稱劉匪陷雲龍竄蒙化陷雲龍按井竄喬后均請省發兵救援各等情諸公邀源西來原冀和平解決源未出既有焚掠蒙化之事源既出又有分撲雲蒙之警源既無以對軍府復無以謝受禍同胞諸公其何以自解現在順雲之衆爲何如人是否與公等一氣能否受公等節制此次義舉所以救民今反賊害同胞是豈仁人志士所忍出如何情形請一面詳悉電復一面飛阻前進俟源到榆再爲電商辦法根源篠印

李師長鑒篠二電均悉錢泰豐實由騰派宗旨無疑至陳劉一層實係鎮康刀上達謀奪永康殘害生靈已調伊到彼勦撫陳雲龍已回永轉現在是非未明若遽正法恐寒志士之心擬俟駕臨榆後將二面隔閼情由確察清楚從公決罪至蒙化之兵接省電後已飛函調回順甯管帶係同志李學詩宋寶奎均忠實可靠誓死無他之人一切謠言訛傳祈勿輕聽面晤時自可盡釋猜疑也張文光叩

大理自治機關部鑒巧電悉劉有金係講武堂二班學員既據該妙紳士稱其軍紀頗

嚴擬請保井卽由源另電委充該處管帶以專責成乞轉告趙孫兩公源巧印

大理自治機關部專送雲龍劉君有金鑒頃聞台端在井約束嚴明保安甚力忝有切磋之雅足見平素所講能措之實行快慰希即暫任該處管帶以維公安一切事宜望商同榆永騰各軍及大理機關部辦理源因鄉人望切力疾西行約廿五六可抵榆屆時能來一晤尤善邊情盼隨時告知根源巧印

呈師長李鑒劉有金即劉得勝現帶數百人由騰越至雲龍州駐紮該州紳士到榆稱其軍紀頗嚴尙無騷擾商擬請其保井以維治安其人是否出公門下究可用否祈速示遵辦機關部叩巧印

軍都督府鈞鑒任宗熙來函稱騰中尙形安靜外人照常保護陳天星卽陳雲龍經張文光撤去兵柄令即回永惟蒙化尙有防兵數百該員代表來榆表明騰軍革命係爲地方謀幸福人民求治安并無與省榆反對意見等語謹聞師長根源叩箇印

軍都督府鈞鑒源昨抵呂合冒病增劇前途如有戰事卽力疾奔赴不敢愛身現兩方

漸釋嫌疑言歸於好擬在途休息一日稍事調理電機卽設宿營地有電請逕寄謹陳
師長根源叩箇印

軍都督府鈞鑒頃接彭蔭箇電稱陳雲龍奉張少三命令已於文日退兵回永霰日單
騎到城共以保同胞顧大局爲主義并無他意請老師速命駕臨以便妥商善後事宜
太老師霰日到城備聆教誨乞將由楚起程日期先行電示俾得知會林綺樓楊鎔齋
率同紳商代表徒手前來歡迎區區苦衷皇天后土實所共鑒學生彭蔭叩等語查彭
張輩情殷豫附自可迎機導之惟欲釋嫌猜必先飭將順雲雲龍兵撤退順雲邊要彼
兵甫退我軍卽往恐不免又生衝突但彼去而我軍未至中間無人鎮懾關係尤鉅應
如何辦理祈卽核示俾便遵行根源叩馬印

軍都督府鈞鑒彭蔭箇電已轉呈刻奉家嚴電謂昨張文光及地方自治局請偕張蔚
臣張魯香到榆調和十八抵永次日張文光將漾濞軍隊全數調回永昌蒙化之兵亦
調回順甯陳雲龍素抱革命思想本無他意前因彼軍誤用魏正榮一隊沿途生事茲

陳已將魏正榮及兵匪十餘人就地正法其餘各軍均尙鎮靜地方軍民尤望速來已預備迎接源查陳雲龍爲人所誤致肇衅端已將滋事官兵就地正法其情殷豫附可知擬請由軍府通電榆永騰各處先行赦宥陳罪以安張彭之心至順雲邊要該軍撤退應如何辦理并乞速示師長根源叩馬印

行營李師長鑒兩馬電悉彭莫章兄迎機利導盡籌極佩雲順各屬請公預委妥員爲地方官並委各該地正紳幫同辦理酌允就地籌款募兵自衛一面先行示諭以安人心當否諸祈臨時核辦省難懸揣叩電已覆並電牖榆矣鐸禡印

騰越張君文光曹君琨永昌彭君莫林君綺樓和君朝選方君涵張君衛臣張君魯香箇電均悉佩慰此間力主和平羣釋疑衅代表諸君請俟源抵榆後電達再行目前總以保衛地方爲宗旨順雲兩軍宜嚴約束或撤或留再行電知根源叩馬印

永昌轉順甯李君干櫓鑒滇省光復騰軍反正宗旨頗合吾弟任順甯管帶慰甚頃復張彭諸君電力主和平計同入覽尙祈嚴束所部毋任稍滋紛擾俟抵榆後再圖良晤